



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-421-3/25**
Datum: **05.02.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «C.I.B.O.S.» d.o.o. Sarajevo – Podružnica Zenica za donošenje rješenja o vodnoj dozvoli za ispuštanje oborinskih onečišćenih i tehnoloških otpadnih voda u prirodni recipijent sa lokacije pogona za skladištenje i primarnu preradu sekundarnih sirovina izgrađenog u Poslovnoj zoni 2 u Zenici, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «C.I.B.O.S.» d.o.o. Sarajevo – Podružnica Zenica daje se vodna dozvola za ispuštanje oborinskih onečišćenih i tehnoloških otpadnih voda u prirodni recipijent sa lokacije pogona za skladištenje i primarnu preradu sekundarnih sirovina izgrađenog u Ulici Željezarska bb, Poslovna zona 2, na zemljištu označenom kao k.č. broj 90/3 K.O. Tetovo, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene voda sa saobraćajnih i manipulativnih površina zajedno sa tehnološkim otpadnim vodama nastalim na otvorenim platoima-lagerima namijenjenim za prihvatanje, skladištenje i primarnu preradu sekundarnih sirovina nesmetano sakupljaju i odvođe do objekata predviđenih za tretman onečišćenih voda (2 separatora ulja i masti), a zatim ovako tretirane vode ispuštaju u rijeku Bosnu.
 - 2.3. Prečišćene oborinske onečišćene i tehnološke vode moraju ostati u maksimalno dopuštenim granicama definiranim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separatori ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.6. Osigurati priručna sredstva za brzu intervenciju u slučaju nekontrolisanog istjecanja opasnog otpada i naftnih derivata nafte i naftnih derivata, kako bi se spriječilo moguće onečišćenje voda i tla (piljevina, prikladni absorbenti, odgovarajuće posude, uređaji za pretakanje i sl.).

- 2.7. Talog iz separatora, te ostali opasni i neopasni otpad, se ne smiju ni privremeno odlagati na česticu „vodno dobro“, odnosno u vodotoke i na njegove obale.
 - 2.8. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «C.I.B.O.S.» d.o.o. Sarajevo – Podružnica Zenica, dana 02.10.2025. godine, podnijelo je zahtjev za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent sa lokacije pogona za skladištenje i primarnu preradu sekundarnih sirovina izgrađenog u Ulici Željezarska bb, Poslovna zona 2, na zemljištu označenom kao k.č. broj 90/3 K.O. Tetovo, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-25-011391 od 09.09.2025. godine izdatog od Općinskog suda u Sarajevu,
- Ovjerena kopija Uvjerenja o registraciji poreznog obveznika od 28.12.2023. izdatog od Porezne uprave FBiH-Kantonalni porezni ured Sarajevo,
- Dokaz o uplaćenju upravnoj taksi,
- Kopija Rješenja o upotrebi građevine (I i II faza) broj: 12-23-3727/07 od 28.11.2008. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o upotrebi građevine (III faza) broj: 12-23-7368/08 od 01.06.2010. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Kopija Rješenja o odobrenju za građenje (I i II faza) broj: 12-23-1583/07 od 08.06.2007. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o izmjeni odobrenja za građenje (I i II faza) broj: 12-23-98/08 od 15.01.2008. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za građenje (III faza) broj: 12-23-3589/08 od 23.06.2008. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o dozvoli za upravljanje otpadom i njegovo zbrinjavanje broj: 12-19-00989/23 od 23.08.2023. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli broj: 12-19-02279/23 od 04.09.2023. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-520-3/20 od 30.12.2020. godine izdatog od «Agencije za vodno područje rijeke Save» Sarajevo,
- Kopija Ugovora o pružanju usluga (preuzimanje, manipulacija, skladištenje i krajnje zbrinjavanje opasnog otpada, čišćenje separatora i zbrinjavanje ostalih otpada) zaključenog dana 05.10.2021. godine zaključenog sa «AIDA-COMMERCE» d.o.o. Sarajevo,
- Kopija Ugovora o kupoprodaji otpadnih olovnih akumulatora broj: 83/25 zaključenog dana 02.06.2025. godine sa «C.I.A.K.» d.o.o. Sarajevo,
- Kopija Ugovora o preuzimanju, skladištenju i zbrinjavanju opasnog otpada zaključenog dana 03.01.2023. godine sa «KEMOKOP» d.o.o. Tuzla,
- Kopija Transportne dokumentacije za otpad (separator otpadnih voda) od 13.03.2025. godine izdate od «AIDA-COMMERCE» d.o.o. Sarajevo,
- Kopija Transportne dokumentacije za otpad (otpadni mulj-separator otpadnih voda) od 26.12.2025. godine izdate od «AIDA-COMMERCE» d.o.o. Sarajevo,
- Kopija Izvještaja o monitoringu kvaliteta i kvantiteta otpadnih voda C.I.B.O.S. PJ Zenica, Izvještaj P 1/2, maj 2025, godine urađen od «TQM» d.o.o. Lukavac,
- Glavni projekat – Knjiga 1 (projekat vanjskog uređenja, projekat potpornog zida, projekat kaveza za smještaj tehničkih plinova, projekat elektroinstalacija), broj: 08/07, januar 2007. godine, urađen od «ARHITEKT» d.o.o. Zenica (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-421-2/25 od 19.01.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat za otkup, skladištenje i primarnu preradu sekundarnih sirovina je izgrađen u krugu Željezare Zenica, Poslovna zona 2. Kapacitet prerade je 30.000 t/god.
- Na lokalitetu površine cca 27.000 m² smješteni su sljedeći objekti: upravna zgrada, hala obojenih metala i servisne radionice, otvoreno skladište za željezo, otvoreno skladište za limovinu, otvoreno skladište ostalih materijala (gume, otpadni tekstil i sl.), postrojenje «SCHREDER», postrojenje «MAKAZE», postrojenje za preradu automobilskih i kamionskih guma i otpadnog tekstila i kože iz industrije u svrhu proizvodnje RDF-a (alternativnog goriva), saobraćajno-manipulativne površine, kamionsko-vagonska vaga, 2 tipska separatora masti i ulja.
- Za predmetni objekat je ranije od ove Agencije ishodovano Rješenje o vodnoj dozvoli broj: UP-I/25-3-40-520-3/20 od 30.12.2020. U toku uviđaja utvrđeno je da nije bilo izmjena u odnosu na naprijed navedenu vodnu dozvolu.
- Zauljene oborinske vode sa radnih, saobraćajnih i manipulativnih površina se sistemom slivnika i kanalizacione mreže prikupljaju i odvođe do 2 tipska separatora masti i ulja. Preliv iz separatora je, preko okna za monitoring, u rijeku Bosnu. Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima.

- Otpadna ulja i drugi tekući opasan otpad se skladišti u namjenskim posudama u natkrivenom prostoru do konačnog odvoza i zbrinjavanja od strane ovlaštenog preduzeća.
- Postrojenje «SCHREDER» ima sistem obaranja prašine sa trokomornim taložnim bazenom koji je u sistemu recirkulacije. Ovo postrojenje je povremeno u upotrebi.
- Postrojenje za preradu automobilskih i kamionskih guma i otpadnog tekstila i kože iz industrije u svrhu proizvodnje RDF-a (alternativno gorivo) je bilo u pogonu izvjesno vrijeme, a trenutno je obustavljena proizvodnja.
- Investitor je zaključio Ugovore za zbrinjavanje opasnih materija.
- Snabdijevanje vodom je sa gradske vodovodne mreže.
- Sanitarno-fekalne otpadne vode se prikupljaju odvojenim sistemom kanalizacije i odvođe na tretman u septičku jamu.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda, maj 2025. godine, urađen od «TQM» d.o.o. Lukavac. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «C.I.B.O.S.» d.o.o. Sarajevo – Podružnica Zenica, ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju:
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «C.I.B.O.S.» d.o.o. Sarajevo
Industrijska zona Željezara br. 5, 71380 Ilijaš
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava